


國家圖書館善本金石組 編

【北京圖書館出版社】

LE DAISHI HUJIBIAN  
SHILIAO

# 歷代石刻史料彙編



國家圖書館善本金石組編

歷代石刻史料彙編 10

北京圖書館出版社



高要金石略卷二

彭泰來子大編

宋一

大宋景德四年仲冬月二十有二日知軍州事陳惣前知軍州事劉起與新授知新州吳有鄰洎司理參軍章堯臣高要主簿劉均同遊是室起凡四至并題

簿卽簿蓋說文無簿唐美原神泉詩碑篆書主簿

作薄此簿蓋又借簿爲之而小異爾阮氏通志

右陳惣題名正書左行舊縣志錄此云新授知軍州事陳惣與高要主簿劉均同吳有鄰司理參軍

高要金石略卷二

竟堯劉起大宋景德四年仲冬二十有一日遊

倒脫誤不可讀府志新州秩官注云按石室志題

名有景德四年初授新州知軍事陳惣名則更不

知所謂所載吳有隣一人注云殿中丞卽有鄰之

誤也漢白石神君碑列主簿十七人字皆從帥不

始於神泉碑簿蓋當時俗字故後天聖元年余翼

題名亦然

知郡事秘書丞任且命新知梧州秘書丞馬絳大宋乾

興元年季冬月同屆此

右任且命題名正書左行

(清) 彭泰來撰

高要金石略

清刻本

天聖元季式陽至之明日前藤幕余□□牧秘丞任  
旦□□樊立短簿歐陽策□

右余翼題名八分書左行余下闕文證以余翼詩

刻翼字尙想像可得任且下似是戶曹與任日命

題名不合未可臆決從來無以短簿署銜者然二

字甚明無可疑豈故用晉人諧語耶

藤幕余翼陪任秘丞遊 偶閑如到女媧天深入何殊

葛雉川何必東山隨謝守盡遊終日恣陶然

右余翼詩行書左行雉字刻誤

缺幾□□□□□□依舊向陽開神僊究竟歸何處

高要金石略卷二

駐馬多時望不同 藤幕余翼書

右余翼詩殘字八分書左行首行爲崇寧張漸題

名磨去餘雖剝泐審視石上頗了了阮氏通志止

據搨本得十七字佚其姓名又不知爲左讀故謂

不成文而拊記張漸刻內

天聖戊辰歲二月二日將家累再遊知郡事賈守文記

右賈守文題名正書

提點刑獄周湛同提點刑獄錢聿知郡事包拯同至慶

歷二年三月初九日題

宋史職官志提點刑獄公事淳化二年置以朝臣

充後罷歸轉運司景德復置增武臣爲副以閣門

祇候以上充此刻稱同提點刑獄豈卽史所謂副

耶周湛字文淵登州穰人宋史有傳不載提點刑

獄阮氏通志

右周湛題名正書舊縣志倒錄年月於上

提點刑獄盛山甫與同事李侯慶曆乙酉季秋二十五

日遊此男和仲穆仲侍行

右盛山甫題名正書

博陵崔之才范陽祖無擇至此 皇祐二年仲春十三

日

高要金石略卷二

右崔之才題名正書左行在石室黑巖舊縣志佚

年月按宋史祖無擇傳云憲知南康軍提點淮南

廣東刑獄廣南轉運使入直集賢院南康軍乃江

西軍州府志名宦傳謂憲知南康州守康時政暇

每遊山水嘗作三洲巖銘竟以爲今德慶州德慶

名南康州新唐書始武德六年舊書作四年自貞觀十

二年更名康州至宋紹興元年升德慶府更無南

康之稱考無擇粵中題名皇祐二年者六羅浮長

壽洞書提點諸州刑獄太常博士三年者一四年

者一連州大雲洞書廣南東路水陸計度轉運使

太常博士直集賢院餘不書銜無年月者一見後  
其仕粵始末皆與宋史合無一字及守康至三洲  
巖一刻云祖無擇來皇祐二年二月望日與此刻  
僅聞一日審知皆提點刑獄按部時書廣東通志  
職官不載轉運使而云皇祐中知康州與府志同  
爲沿誤附識於此

崔之才祖無擇題

右崔之才題名正書不著歲月蓋與黑巖題名同  
時翁氏金石略謂副墨巖內聞有祖無擇書訪之  
不獲者卽此熐火再索始得於潭水上石罅中

高要金石略卷二

濟陽江唐公同丁元玠遊皇祐四年仲冬七日戶掾陳  
□題

右江唐公題名正書唐公名柬之諸志職官載江  
東之皇祐五年知端州據題名則柬之守郡已在  
四年阮氏通志跋鮑軻題名止摘柬字之誤未見  
此刻也

陶翼商老陸起仲遠江東之唐公皇祐五年癸巳正月  
廿八日遊

右陶翼題名正書翼皇祐四年爲轉運副使

轉運使祠詭詭中榮謹知州事太常博士翁彥升游此

嘉祐庚子正月五日題 人員藍提監鵠字 黃方石  
測之伯通伯源介夫同遊汲泉煮茶清論竟日

右測之題名正書左行翁氏金石略載治平三年  
許奇題名有決曹掾鄧開伯通意此刻亦在其時  
以上七刻在石室大巖

伯通夏卿至此

右伯通題名正書在石室黑巖舊縣志所錄前有  
皇祐二年仲夏十三日字乃將博陵崔之才題名  
年月誤綴崔刻姓名三行年月別作一行稍低字  
亦較小左讀適在此刻之前故割彼屬此爾

高要金石略卷二

熙寧四年三月五日陳懌馬守廉王競譚允李完同遊  
石室游烈題

右陳懌題名正書左行在石室黑巖

宣和三程孟冬念六日縣令吳展彥成因暇檢視水利  
兼監揭府座亭額拉梁元齡喬年巖詩雅言煮茶小酌  
男舜舉舜陟侍行謹誌

右吳展題名正書以上五刻在石室大巖

高要金石略卷三

彭泰來子大編

宋二

肇慶□□□□□客白載陽藍子惠賈明仲端仲王  
彥和□恭彥明同遊石室□災四年十一□九□

右白載陽題名正書在石室巖口溜水處石理剝

落字已無一完筆舊縣志錄首數字作肇慶蔡安

□之□客今不可辨又少一字恐未然阮氏通志

缺十二字又誤明仲為仲明

范正國遊 建炎庚戌十二月三日 高要縣令王允

高要金石略卷三

迴募工刻石

右范正國題名凡四刻皆正書其二在石室大巖

其一在西巖其一在黑巖黑巖者字獨大獨最漫

滅無高要令一行蓋泐去矣郝氏通志職官正國

紹興二年任轉運判官此刻庚戌為建炎四年或

志誤也一日之遊止此數字乃磨厓四處可謂好

名阮氏通志得高要宋刻四十餘種卻盡遺之并

其旁范直方敬觀一段亦失去至職官表又誤其

名為國正好名者不幾枉費心力耶

韓敏求朱積中鄭子永子正吳唐輔同叩星巖石室觀

李公垂洎北海墨刻紹興辛亥十一月己酉張達明題

右韓敏求題名正書在石室大巖辛亥紹興元年

也

口直方來遊敬觀叔父題字紹興癸丑清明日崔紹同  
來

右范直方題名正書在石室黑巖舊縣志所錄首

一字為范注云左刻泐不可讀即范正國題名蓋

直方叔父也

朱文申孫義因趙季擇李靜叔紹興五季中冬式十式

回同遊

高要金石略卷三

右朱文中題名八分書

邑令羅浮何柔中紹興辛酉首春來遊

右何柔中題名正書

廖玖粹老癸亥上巳

題名但云癸亥上巳不書年號攷鄧名世姓氏書

辨證玖為容之父萬姓統譜粵大記並稱容紹興

五年進士厯戶錄縣令改秩授封川教官時父新

州秩滿辭歸容迎養之及卒歸葬服闋知化州據

中興繫年錄容知化州在紹興三十一年則玖之

卒在三十年之前此刻題云癸亥蓋紹興十三年

守新州時矣阮氏通志

右廖玖題名正書

斗峰遙認舊嵩臺為勸耕農特地來短李高名光翠壁  
偽劉真蹟沒蒼苔洞天日永風埃靜巖竇雲收霽色開  
好景最宜供宴賞操觚欲賦愧非才 紹興乙丑仲春  
上休郡守葉南仲拉同僚來遊因留五十六字

右葉南仲詩行楷書府志職官南仲侯官人進士  
朝散郎知新州軍事次紹興二年後此刻乙丑為  
十五年蓋由新州遷肇慶據詩中偽劉真蹟之語  
石室當有南漢題刻今已不見

高要金石略卷三

濟南王次張漢老莆陽陳可大齊賢紹興丁卯歲二月  
二十九日清明同遊

右王次張題名正書

斗光 紹興十八年八月 缺

右斗光大行書字徑尺許年月下為明吳國倫詩

刻剝去

公路同道來遊男資係鏞鏜侍行紹興十八年閏八  
月八日也

有公路題名正書左行福建通志吳達字公路崇  
安人宣和三年進士初知新州擢知肇慶府置

田籍以杜豪民吞并此刻蓋知郡之年

廬陵楊王猷單騎薄暮來遊紹興辛未人日記

右楊王猷題名正書左行

天上何時落斗星化為巨石羅翠屏洞拆三义盤空曲  
壁立萬仞穿青冥客尋舊路不知處龍去千載猶聞腥  
欲訪仙子問真訣岩崩寂寂水泠泠壺山黃公度師憲  
紹興甲戌正月上澣題

右黃公度詩正書公度別號知稼翁縣志宦績有  
傳

襄邑鄭安恭子禮臨江歐陽庠文周長樂陳致一貫道

高要金石略卷三

三衢柴衛元忠紹興二十八年上元同遊

右鄭安恭題名正書諸志職官安恭紹興閒知肇

慶府不言某年此刻在三十一年任轉運使之前  
則為知郡時書矣

春十日 缺  
□黃齊 缺 □巖甫 缺 單 □ 缺 戴師文 缺 紹興一 缺

右紹興殘字正書上段為明李偕詩刻磨歷紹興  
紀號凡三十二年此刻二字下不可攷故錄於末

羅浮張朱卿華陽王子渭吳興陶定乾道丙戌暮春廿  
一日遊

右張宋卿題名正書左行宋卿縣志宦績有傳丙戌爲乾道二年其年陶定提舉市舶此刻與李巽石室記後已丑陶定觀一行筆意正同卽定書也已丑在此刻後取便李記考證故仍石本繫記後占端有奇勝名巖擬天星傳聞輦轂下往往極口稱有爲肯馳說曾不如丘陵請君勿誇山恐非動者情請君勿譽水靜必惡琮琤元酒薄滋味眾口難調羹甲乙隔相背馬不同牛耕海上有逐臭寧云爾德馨主人何負盜勢固爲盜憎茲山豈求全乃與人事并信信而疑疑世態犬吠聲百聞輸一見日月中天明我縮高要章往

高要金石略卷三

返萬里程凜然民社寄且且朱墨榮及茲瓜戍期作意望巖行星巖有佳處丈人試靜聽空洞似容德不禁魑魅停其中百尋泉澄澆無濁清神龍倏兮來穩穩石榻橫忽焉風雲合霹靂行雷霆驅逐百種怪慄慄心瞻驚爲山何用高有此足以名提攜麴居士賓從盡豪英刻山與題柱悔罪付兩黥男兒須辦此誰能作蠅營 凌儀趙靡和仲以淳熙二年乙未來守肇慶適常彈乏後以拙直理郡事日不暇給逮丁酉孟秋秩滿府僚俸給不積軍士廩餉如期尤幸聖澤遠被雨暘時若歲事豐稔訟平盜弭後使君過戌月未至始得與郡官同遊茲

巖因賦詩命刻諸崖以紀時教授丘微之夢錫節度推官權倖許通亨之錄參傳濤次山高要令范念祖德修司法邵穆幹臣四會簿尉權司理林奉先紹德高要簿李朴師悅尉黃補季全兵馬都監李濟巨川監押趙善冲太和同巡檢許浚少清前巡檢宮良弼彥輔寄寓前東莞邑宰孟栝幹臣同來實十月惟前教官林致覺之戎官趙彥濬以數十日離任不與此行先是郡守之子滿曰伯清湜曰伯正泌曰伯淵浹曰伯廣洽曰伯潤汲曰伯升女曰淑女淑儀淑懿曾奉其母劉來遊劉氏光烈之子光世之姪

高要金石略卷三

趙靡宋詩紀事稱爲忠簡後人今按靡官肇慶在淳熙與忠簡相去不甚遠又其妻爲劉光世之姪光世與忠簡同時則靡豈卽忠簡之孫耶靡粵東金石略及畢沅續通鑑並作靡誤又粵東金石略所錄詩後題名以石刻校之譌舛尤多當據此爲

正也

阮氏通志

右趙靡詩行書諸志職官邱微之誤作明之范念祖李朴皆誤書其字又誤德修爲德邵此刻止一字半缺不可辨翁氏金石略錄其題名闕至四十五字其存者又誤十四字宜爲阮志所糾然阮志



錄全文亦闕九字誤五字脫四字亦未能盡據為

正也

淳熙十三年上元前五日玉牒善擇智老伯仍景茂趙  
庚叔初徐世亮正顯黃執矩才用羅口龜仲葛嶠景高  
徐盈謙口口口臣夏卿陳飛英子聲陸 曾師口鄭公表  
若儀吳日新口口口不國瑞聯轡來遊是日春事妍口  
物情口暢攜壺挈榼班荆口口爵行無算酒酣抵掌論  
前口之口口口民間之利病口以言口口口口永興盡  
而返日口西口口口口頤大書深刻以紀歲月云

右趙善擇題名正書淳熙十三年三字石上泐文

高要金石略卷三

似玉著錄家皆作十五年誤也翁氏金石略闕五

十字誤八字脫四字阮氏通志闕四十二字誤二

字

紹熙辛亥清明日白勉之挈家來遊五子侍行

右白勉之題名正書辛亥紹熙二年也

紹熙癸 日武林徐安國敬觀子松侍行

右徐安國題名行書在景福大字之上闕處為明

黎近詩刻磨去癸下當是丑字廣東通志職官表

安國慶元二年提舉常平此刻在紹熙四年或志

誤國字已闕半敬觀蓋觀景福書也

口口口口柄通口絕口分形合氣口七石含虛口口舌  
六口口鑿洩雲烟冥行忽見日中斗口口安知壺裏天  
莫道挹漿成畫餅口口口乳滴涓涓 徐安國

右徐安國詩行書在題名左數尺石陷入如白故  
行閒欹斜不正

蓬萊山上口仙宮口口口門凌虛空煙濤微口不可涉  
徒有丹青人未口如何大造口口口口口兀口臺郡城北  
洞門竟日鎖煙霞嵌口口口口口口口口北斗辭經躔  
魁杓歷歷墮眼前不與天公管喉舌却於平地巢神仙  
竇蓋低垂自盤古涓涓雪竇流膏乳石牀猶帶神龍腥

高要金石略卷三

石井幽深通水府二李遺蹤得訪尋捫蘿口口口口口

口口口細口蛟龍口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

右繆瑜詩正書詩末云留記巖幽今未見

嘉定乙亥臘月既望莆陽陳光祖世德攜家來遊同里

葉觀盤伯偕行

陽上缺一字據萬姓統譜載陳光祖字世德希造

之子仙遊人則缺字當爲莆字也統譜又載光祖知英州日上供泛輪幾倍光祖奏蠲第四戶以寬民力滇陽渡湍惡舟多覆溺更創巨艦以濟廖德明行部嘆曰陳公可謂依本分君子矣德明嘉定初提點刑獄此刻題云乙亥爲嘉定八年當卽光祖知英州之時郝志職官云至道年任恐誤也阮氏通志

右陳光祖題名正書莆字尙可見阮志所辨蓋揭本失之葉觀福州人紹定中知潮州

嘉定戊寅春二月望郡守嘉禾徐龜年率權高要令錄

高要金石略卷三

參趙汝襲勸耕于星巖 後二日汴人趙汝襲挈家來

遊弟汝附子崇華侍溫陵謝庭玉莆陽阮時孺偕行

徐龜年崇德人淳熙進士累官監察御史以直華

文館知溫州改徽州致仕萬姓統譜不言其知肇

慶府事汝襲汝附崇奕皆宗室也阮氏通志

右徐龜年題名正書後二日一段字稍小別繫於

後崇下一字本火旁阮志敬避作奕

郡守趙希閔偕子姪與漆與琬與心來觀戊寅申冬既

望日識

右趙希閔題名正書闕字似是德諸志職官有趙

希周嘉定開知肇慶府據此刻卽希閔之誤戊寅則嘉定十一年郝氏通志別有知新州軍事趙希閔一人次咸淳後阮志無之府志作希閔注云朝散郎有修學功一作閔非按咸淳元年乙丑距嘉定戊寅已四十八年其人未必尙在後戊寅則帝昴祥興元年自仲冬既望更六七十日而宋亡矣則希周當爲希閔而希閔別是一人無疑郝志於希周下注云嘉定人則又誤以年號爲地名爾

寶慶改元詔前莆田鄭澤甫偕三季源甫殖甫懋甫遊此時同里友人丁學詩與焉

高要金石略卷三

右鄭澤甫題名正書理宗以嘉定十七年閏八月

丁酉卽位明年正月改元寶慶此刻當在十七年

秋冬

莆陽鄭起沃汝說丁伯桂元輝鄭鼎新中實五仙曾潛達之建安張毅然仁叟三衢曾煥黃中秦郡趙善鄰圍成清漳梁傅巖叟黃擇中夫三山黃璧舒文王澤履之臨安李岳山甫開封陸濟巨川以寶慶改元正月五日同來

右鄭起沃題名正書舊縣志誤分臨安以下別爲一條列寶慶丁亥題名前而前半次丁亥後以上

二十三刻在石室大巖

寶慶丁亥二月既望古端守鄭起沃郡丞陳口衛高要  
令趙善服勸口于郊因訪星巖同寮陳顯伯吳昭嗣孫  
瑞口應時劄夔黃擇王良佐趙公堪陳璇皆從是日也  
宿雨闔霽光風吹林井畝興鋤畜牧被野此字民者之  
志也

右鄭起沃題名正書在石室巖外舊縣志所錄作

陳一衛孫瑞槐審石文皆不類翁氏金石略闕十

二字阮氏通志闕十一字勸字皆誤劄起沃諸志

職官皆云紹興閒知肇慶府建置篇內亦云紹興

高要金石略卷三

閒增修府學此刻丁亥為寶慶三年自紹興末年

壬午至是已六十六年記載之不足信如此

因遊石室留二十八字趙時 假守聖朝多宰輔紀題

昔日盡名賢我今始會由來意此境棲遲本列仙 女

塔沈因書

右趙時詩正書按英德碧落洞題名有云東萊夏

子昂容之同建安張一得伯愚玉牒趙時迂衡甫

三山林震龍驤卿勸農于碧落洞時紹定庚寅二

月十五日也趙時蓋即其人庚寅為紹定三年此

刻無歲月相去亦當不遠

石峒 石峒神周氏高要人唐貞觀初封貞政公劉

漢加王爵國初避禧廟諱曰秉政神威德之顯郡人即

其居之旁建祠今府治北十里將軍嶺之東七星巖之

北一峰虎踞巖穴天開是為石峒廟其中南口門上

虛通天四傍異石彷彿與馬徒御拱列呵口禽鳴嘯

出沒空處聲傳恍若神語遇夏潦漲口口口至狂風

怒濤則峒有龍歸世傳謂王口口口口穀熟入厭

鮮食今峒有歇龍池是也口口口口寇至一城陰

禱其徒不終夕遁去人物口口口口永永不替蓋功

則祀周典也乃作詩送口口口口遊兮何所為祚風

高要金石略卷三

分廿兩人俟神口口口口口口口口年萬年兮咩幪此土

神之歸兮峒口口口口口口口口人荷神休今年穀斯豐

矜觀天寵兮口口口口口口口口年正月朔從事郎肇慶

高要口主口呂口記并口承直郎肇慶府司法參軍顧

梅篆蓋口口口口州司法參軍兼司戶伍萬全迪功郎

致仕梁彌明立口

右石峒廟碑行楷書篆額碑上下皆剝泐惟中段

完好禧廟宋史作僖太祖之高祖文獻皇帝廟號

也篆蓋二字古惟擴誌用之無施於碑碣者此誤

舊志錄此文前署名曰呂成末云端平二年長至

日其餘文句長短錯互幾三之一頗似率意點竄而成今响有歇龍池是也下志作皇祐四年儂寇至按東都事略其年五月癸亥儂智高陷端州東軒筆錄謂州守丁寶臣棄城遁其事前志皆失載碑云一城陰禱其陡不終夕遁去殆或然乎

斗宿垂精插碧空嵌巖太史石屏風自然一道玲瓏穴誰見五丁開鑿功竇裏乳泉時點滴門前瀝水暗流通吾儕洞目崧臺景謝展何曾到此中 清源曾純景亮

偕趙同年作 地本乎陰巖本空巖名以斗古傳風世人適意為行樂其造物何心著巧功弱水蓬萊仙境界

高要金石略卷三

石橋方廣佛神通達觀不作塵寰看笑挹天漿樂在中浚儀趙崇垓德暢和曾同年

詩刻不著年月巖別有趙崇垓曾純紀遊石刻稱

端平乙未則詩亦是時作也儕作偕本北齊雋修

羅碑樂下其字倍大非詩本文蓋舊刻磨賸者阮氏

通志

右曾純趙崇垓唱和詩正書

端平乙未嘉平期後二日權郡貳羊石趙崇垓德暢侍

母偕權理曹新興寧合清源曾純景亮法掾三山趙彥

嶠源叔權糾高要簿清源趙錚夫君玉寓公提屬清源

莊世雄仲傑攜家同遊源叔子泚夫德暢子必錚侍聊紀歲月云

題名在曾純詩之後諸趙皆宗室涖官至越者郝志職官並遺之乙未嘉平端平二年十二月也阮氏

通志

右趙崇垓題名正書

嘉熙丁酉臨江章盪董試秋闈後同考官合沙劉漢英清潭徐雷開來遊

右章盪題名行楷書盪字從玉廣東通志職官表

有章盪寶慶二年以通直郎知保昌縣盪字從皿

高要金石略卷三

又相去己十一年不審即此人否廣州府學有羣公增修學廡碑後題從事郎廣州州學教授合沙劉漢英撰紀年與此刻同嘉熙元年也

星巖端之勝槩嘉熙戊戌歲重陽之明日區永年呂章

李德秀倫冠卿楊天起區億年林時英梁延祖李伯震

蒲觀光梁光祖李伯常趙彥紹張攀龍鄧賓之黃天祐

陳英元梁巖叟李季英葉達可趙漉夫趙苦楛同遊

右區永年題名正書

星巖□□□□□□□□能一再遊山列□□□□□

□□□□填洪流神人□後蛟龍穴隱士□來猿鶴愁

我已乞身香火吏結廬此志未容酬 星巖之勝聞之  
久矣搗來假守公餘僅得一到今歲同府判徐丈方能  
再至驚日月之易得悵功名之□立徐丈有築室之興  
因思去歲府判趙丈亦嘗欲起菴於片臺因循不果適  
丐祠得請去此有日因成小詩識 缺 赴安 缺 時嘉興

右嘉熙詩刻正書佚姓名年月前爲別刻一詩所

掩掩者姓名亦闕末二行識字熙字下又爲明李

龍書磨去

咸淳乙丑良月番禺蘇良同張彭二寅契來遊因以紀

勝 杖屨追隨入翠蓬玲瓏一竅徹心胸山羅斗宿英

高要金石略卷三

靈萃地鎮龍潛氣勢雄碑鮮猶涵周子澤澗松仍有老

包風歲寒共約吾三友要把清規踵二翁 再詠星巖

會開媯氏補天漏也記春秋石隕星却訝端巖星錯

落何時漂隊數拳青

右蘇良詩正書府志秩官良知肇慶在咸淳二年

後此刻乙丑爲元年蓋志誤也數拳阮氏通志譌

數拳

益都金石記卷二

段松苓著錄

宋宏正大師遺界記石幢

佛頂尊勝真言啟請

稽首皈命十方佛真如藏海甘露門三寶十聖應真僧願賜威  
神加念力希有摠持秘密教能發圓明廣大心我今隨分略稱  
揚迴施法界諸含識佛說是陀羅尼法即說呪曰

以上共四行四行頂共刻佛像一軀呪曰以上為啟請下為

陀羅尼呪凡十二行不俱錄

故宏正字犯御名 正大師遺界記 明教大師賜紫義楚述

益都金石記

卷二

清光緒九年刻本

益都金石記

(清) 段松苓撰

口口烏光蟾彩數定始終圓蓋方輿運移今古聖賢愚智動植  
蜚微稟一氣負四相熟能口口口口名有善惡壽或短長歿世而  
稱者實罕得矣歿故大師名壽無虛設矣大師法諱口口口俗  
姓公孫卽唐末博興令之子幼鍾離亂親里衰亡宿植因團投  
身釋氏年十二口口口惠院主慧輪爲師十六落髮口口年受具  
聽習未周屬師遷化年二十二眾請口口口主筭綬有序行解無  
虧重士尙賢高才博學集辯宗指要三軸騰聲價於四方口口  
經於二春出英風於七喻是得五侯敬措俄承紫綬師名仕庶  
皈心共仰清名口口德享壽八十二僧臘六十三於開寶元年十  
一月五日掩化於所住之院歸名人去矣釋懷涼涼慈航覆而

八棹停撓法駕逝而三車逸暫尋乃集緇素備威儀綵輦連雲  
幢幡窳日天仙子菩薩異人盜路益衢廣構送終之禮悲風  
與口寒風共吹見者吁嗟哀唱與挽唱俱傷師徒永別於是權  
遺滑盡追口將報慎終以集殊祐門人懷恩等眉其遺界立尊  
勝幢以旌法乳之恩用福往生之識將紀歲華故實錄耳時大  
宋開寶四年歲次辛未十月癸亥朔十六日戊寅建立

小師等 懷感 懷玆 講藥師經 懷瑩 懷沼 懷道

供養主 懷軫 講上生經百法論 懷志 懷悟 懷暉

懷演 講无量壽經百法論 懷永 書 懷鑒 懷隱 懷

可 刊石匠孫知期

益都金石記

卷二

右幢在法慶寺祖堂高三尺九寸八面圍三尺一寸共三十

二行字徑九分人名差小行書文體卑弱書法勁秀筆意略

同實際寺碑而精神過之良可珍也一面上下微缺院名與

宏正法名遂不可考內塔字不可解享字借作亨况內注

云轉舌韻聲某反乃字之音又云引幾幾合又况之逗遛也

宋李恕尊勝石幢

佛頂尊勝陀羅尼啟請

奉請尊勝三千主慈悲廣大金色身潤澤眾生法(圖)大布慈

雲多覆護披斷迷津三業障垂形六道除諸苦非論七返及阿

奧五逆罪報消無數諸天華雨遍虛空頂上毫舒千佛主光明

宛轉透三千閻魔王界停酸楚若能一念至皈心八方聖眾皆  
來助目持二十一遍終福流沙界超凡(圖)口口口德七返罪能  
為天宮救善住我今諷念佛真言一心皈依尊勝主

以上啟請共五行下為陀羅尼咒共十四行內注佛菩薩號

最多不俱錄

口口大悲陀羅尼口口口啟請

口口口自在口大圓口口金容口口口身現世間千眼光明

常遍照一千一百真言口能口口生所願心面安三目遍裝口

口口口口口口口口口口共是化人大菩薩眼中長聖大悲願力

不思口是口口

益都金石記

卷二

以上啟請共三行字多殘缺下為大悲咒共六行半內注佛

菩薩號亦多不俱錄

佛說般若波羅密多心經

以上接大悲咒半行下下為心經共六行中無注不俱錄

朝請郎該大理評事前守青州別駕李恕年八十五家本趙州

贊黃縣趙王之後七代祖遷葬墳塋在孟州汜水縣東廣口口

原三代祖口口皆安葬此原因官益都縣令在任伍年替罷上

京參選銓司為年過七十閭門引見特勅除授別駕在任三載

自為孤老歸鄉不得遂自建造墳塋立尊勝幢一所上有阿彌

陀羅尼大悲陀羅尼般若波羅密多心經先是持法華經念大

悲心眞言歸依三寶受八關齋戒者有年矣常日日佛前焚香  
發願願當來世同慈氏上生隨弥勒下口永離煩惱終成無上  
道入以老病縈身而來世甚邇蓋聞壞罪集福莫急於尊勝陀  
羅尼大悲心眞言今已剛鏤因記刻石工成重此證明表不必  
果遂本願也替首作禮自爲之記 時大宋雍熙四年丁亥歲  
四月二十日趙郡西祖李恕自書 男紹宗 石匠薛璘

以上記共七行

右幢在城內清涼寺高三尺六寸八面頂一面有佛圓三尺  
二寸共四十行正書書法朴老字徑七八分不等李恕殆官  
於此而落籍者曰趙王之後趙王乃唐太宗第十二子名福

益都金石記

卷二

楊妃所生世係表譜附曹王房列傳貞觀十三年始王出後  
隱太子者恕乃唐之宗室矣通考唐制兩輔六雄十望十緊  
州置別駕宋徽五代藩鎮之奠只設通判佐郡守不仍前代  
之舊似宋省別駕一官且宋史職官志亦不敘別駕官然此  
碑仍曰別駕及考建隆以後合班之制乃有諸軍別駕長史  
司馬官品下亦載諸州別駕長史司馬爲正九品是宋初已  
置知州通判之後仍有刺史別駕但爲散官無職事耳不必  
如通考所云盡行省去矣開字音下皆作闕德字版字愷  
字替字薛字又當時之異文

宋石佛禪院大德行狀石幢

佛頂尊勝陀羅尼啟請 大唐不空三藏大廣智奉詔譯

以下爲啟請共六行與前李恕石幢啟請并同惟缺去福流  
沙界以下二句下爲陀羅尼呪共十四行不同於他幢者多  
減罪眞言行餘不俱錄

大宋青州石佛禪院主講經論大德行狀 業唯識因明論沙  
門紹演撰 小師講無量壽經習唯識論比丘道初書

粵教理尊勝是佛頂心號大總持名眞法印秘密而雄宣神呪  
威靈而摧伏魔情功消七返之殃力拔三塗之苦卽有當院主  
公本滄州樂陵人也俗姓掌氏法諱廣誠祖襲門風削繁不敘  
北飲崆峒之氣上吞卯畢之光誕而旣端長而旣偉從卅力學  
益都金石記 卷二

及冠業精以禮傳譽志淳素和允忽自謂曰識環記并可驗於  
死往生來拜骨鞭屍方信於惡殃善慶覺浮生之得同知妙道  
之堪歸廣順元年投當院主先師報恩求度焉卽棣州金刹院  
坐化高僧門弟也誠公顯德二年披落授具畢性耽渾璞戒凭  
淨虛高談一誦之經大演十師之論兼傳百法被曉五明住持  
四十年增修五七倍蓋彌勒殿一座剏眾僧堂三間造渾金佛  
像兩尊誦滿字經呪六萬掃地而不傷蚯蚓燃燈而護惜飛蛾  
石磬辰歛迴春鶯而結舌金經夜唱逼秋猿以吞聲清節有徵  
壽高無恙加以學行德業活其道而飾其身身喜捨慈悲利其  
人而濟其物觀身如夢幻知命似風燈大宋咸平六年十月八



日不疾而殞化矣。僧臘五十餘，俗齡七十七。噫！將終之際，囑事昭然，莫墜前蹤。宜芳後葉，兩人師弟，七箇門資，圍坐而共評交。胖而樂，磨父母生我質，本師度我身，雖承鞠育之恩，未及法乳之惠，欲旌孝懇，何報爲良？厥次師弟顯公，止人稟性淳和，立身耿介，內以秉執安其分，外以儉素廉其身，觸目多能，運心饒益。時呼法姪道隆等立，而受言痛憶師兄悲而難會，答酬師主勞而勿辭，我捐其財，汝竭其力，乃命良匠，琢瑱珉，鐫真言，列行狀。龍津之北，月殿之前，下遶靈軀，上安幢記，塵影覆其歸，長案之鄉，觀像披文，廡入真如之界，親教弟子，七人或精焚利，或務增修，或密行澄心，或傳燈利眾，咸推俊朗，皆仰高風。石佛流光，晃

益都金石記

卷二

營邱之乾位，金剝辰耀，燦蕪棣之良宮，祖胎結而子子孫孫，庭樹芳而枝枝葉葉，以紹演才智，雙廣辭器全，暗既受堅，呼強編盛蹤。時咸平六年十一月十五日建。

同學師弟比邱法顯，同學師弟比邱法圓，小師比邱道隆，小師比邱承光，小師講无量壽經，習唯識論，道初小師道澄，小師道悟，小師道英，小師道凝。

石幢在城西北七里牛家莊石佛廢刹，高五尺二寸，圍四尺四寸八面，共四十行字，徑寸與七八分不等，行書，啟請與呪，間有殘缺，惟行狀爲獨完好。樂陵自唐以來屬滄州棣州，卽今濱州境，廣順顯德俱周太祖年號，元年出家，至宋咸平六

年卒，僧臘乃五十四歲，俗齡七十七，是生於晉高祖天福二年矣。字畧，具結構，然不能無懈，筆文多爲周旋，是方外亦開應酬法門，然以弟子爲門資，頗生新可喜，貞作瑣，無棣作蕪，棣乃當時之鄙，別字所謂龍津，殆指五龍口也歟。

宋雲門山僧守忠碑

鎮海軍雲門山大雲寺主僧守忠，本貫沂州沂水縣，顏溫保劉田社胡家莊，俗姓霍，自大中祥符六祀夏四月初，父母聽許出家，遂口斯地，聆惠一上人禮行清廉，性宗嚴潔，山門東志，口頂安禪，經業精研，性情勤肅，守忠方禮爲師，頭陁苦行，跣足數年，歷盡艱辛，曾無疲倦，至天禧五年，幸遇真宗皇帝聖恩，特降普

益都金石記

卷二

度口頭，爲僧當年，便授具戒，旣蒙披剃，大發願心，口口口口化導諸方，葺修院宇，興建口堂，雕鐫成畫，拱雲楣，特蓋房廊，刻鏤出飛仙鳳翼，亭臺闢起，洞戶相鮮，裝嚴數座，金容修塑，一堂羅漢，丹青煥赫，粉繪圓朗，欄檻開四季之花，庭際植千年之竹，一城官吏，閉乘鼓吹，而遊滿郡，檀那時逞威儀，而至輪蹄，輶駟士女，闐闐聚會，登臨競齋，香供斗羅，幡蓋寶帳，花幢蠟炬，香燈異花，珍菓三元，點照六時，焚修鑿山爲門，計度約七八千功，穿石作井，費用盡百十萬金，出自十方，爰因眾力，此皆衷誠，有信以實立功，更無絲飾之詞，宜書時，以自紀謝，蒙曹太尉特奏，小師一人志惠，繼續院門口，願皇帝萬歲，沙門比邱僧守忠，酬願齋